

M I

*Mi smo novi ljudi!  
Mi bi htjeli mlade  
I sunčane dane,  
Gdje se život budi.  
O, u nas su nade  
Svježe, nekaljane,  
I u nas imade  
Jošte ideala!  
Al' ih gaze, gaze  
Svi oni što gmižu,  
Šuljaju se, plaze  
Ulicama gradskim.*

*Mi smo mladi, mlad!  
A ipak nas more  
Starački i lažni  
Bolešljivi jadi.  
Al' mi nismo slabi!  
U daljini negdje  
Svijetlo nam se bijeli,  
Dajte nam do njega,  
Mi bi sunca htjeli!*

*Jao! mi smo tako,  
Jošte tako mladi!*

1930

## GRADANSKA DJECA

*S nama je tako:  
mi smo građanska djeca  
i — zaista — mi smo siti.  
Ali mi ne bi htjeli  
od samih sebe kriti  
da nas — koji smo mladi  
ponekad savjest grize.  
Ali što da se radi?  
Pa — neki od nas prođu  
razne duševne krize,  
a usprkos toga ih čeka  
za ručak tečno jelo,  
a za noć postelja meka.*

*I mnogi od nas traži  
od nekud izlaza, puta.  
I neće građanskih laži  
i neće da poput truta  
živi na račun ostalih.  
I mnogi danas već znade  
što je to višak vrijednosti.  
I zna da mu otac krade  
postotke svake nadnice,  
a zna i to da radnice  
imaju kržljivu djecu.*

*I onda neko još više  
športa i kina traži  
a neko grozničavo piše  
i veruje književnoj laži.  
Neko ispriku nađe  
da sve to smisla nema,*

pa se zavuču u sebe  
i kroz život drema.  
A neko se svemu ruga  
i sam se u smijehu davi  
a neko — da, neko se stavi  
u službu proletarijata.

Ali svi mi ipak idemo  
u povorci — po strani.  
Pa jasno, našoj su klasi  
odmjereni dani  
i danas je red na masi,  
a mi posve dobro znamo  
da smo, napokon, samo  
građanska djeca.

1932